

CHARRADETA DE FELIXON DE PERIZ DE TRAMACASTILLA, PA-ROS ESTUDIA  
DORS DE ROMANICAS, EN A UNIBESIDA DE BARCELONA

Güeno: asti soy cón gusotros otra begata, por que asinas me l' a pedito este güen mexache, que ye ro güestro quiesto Mayestro Sr. Garçallo.

Y ó primé que quid fexye, darus as grazias a toz, por abier escuchato a este biello l' otro diya, (pues yo portiaba tarcual zerina de fer ó rediculo y que fizieseis chufia de yo) y yo me feba ra pregunta, de si no en soy bella miaxeta de abarrenato, *for* fer ixo que fago, por que si en este instante me güellaran os d' miyo lugar, firmes me clamariyan asinas.

Pero beigo, que a güosotros to-as ixas cosetas os cuacan tarcual; y no solo a güosotros, que a cuasi toz os Catalans que les en charro bel poquè, i-zen que fago bien y m' animan pa seguir asinas.

! Ya men fariya a yo tarcual goyo, que toz os Aragoneses, se sentisen farrucos como os Catalans, de poseyer bel idioma propiol ya que ixo, non fa trabas pa sabier charrar ó Castellano correutament.

A yo, ya en fa bel par de añadas que m' entrato a torrumbera de apercazió parolas, trobos, ditos, chascarrilños y firmes cosetas que se me trasminan en ta ro tozuelo y me rechitan como ro trigo en bella güebra, con tarcual tempero y cada coseta que re-cosiro, ó me la discurre yo, (como as xotetas ixas que tos zam-po en a zaga), las entachono en as brostas de papel, ¡mal atra-paziadas! por que a cultura miya non ye to-ro güena que a yo me gustareba.

Pero si toz os Aragoneses tenisen a mesma angluzia que yo tien-go po'ro Fabla y por ò miyo quiesto Aragón, en poquetas añadas lo rempuxarianos en ta-ro lugar que tié merezito.

Pero por otro canto, tamien cosiro, que tindran que baxar firmes matralleras de aigua por os barrancos, antis que to ixo que yo sueño sen faga realida.

Pero yo men saco ra cuenta, de que to-ro que entachonato en as brostas, entachonato quedara. ¿Y quien me i-ze a yo, que belgún di-ya no le faran onrra a ixos Mexaches y Mexachas chobens que portian muita falera y angluzia por aprenda-lo y enseña-lo. Pues os chicotóns toz gosan apercaziarlo.

As faltas de ortografiya que güelleis asti, las tindreis que correxir gusotros, ya que yo lo entachono como lo charro.

GRAZIAS

Ixtas cuatro xotetas que tos zampo pa escominziplá ya tos las charré l'otro diye, se refieren a ro lugar miyo, y las atrapazí p'un zaqal chicutón, que acude a estádiata-ro colexio fogar de Xaca y que ye apuntato en a rebisteta que fan allí pa charráñ Fabla.

Por ó galacho Santa Lena,  
En a ball te zamparás,  
Y en que cruces tres reqüeltas,  
Tramacastilla güellarás.  
Tramacastilla de Tena,  
Ye bel lugar tarcual pulito,  
Y pa recliza tié,  
O tozal de Sandurico.

En a zurda ye pigüelo,  
En a dreta Chamediana,  
En ó Norte ye Nabero.  
Y en ó cubexo ra Ratuara.

Güena chen te trobarás,  
Un poqué zainos si quen són,  
Pero no les faqas caso,  
Que lo fan sin trón ni són.

En a ball de Tena han feito,  
Dos badinas tarcual grans,  
Escluchinarón cuatro lugars,  
Y bellas zinco casas más.

Pero, os kilobatios sen ban,  
Por as pilonas ta baxo,  
Pa emplenar tarcual as pochás,  
De toz ixos que no en són fatos.

As xotetas que siguen, se refieren a ros traballos que febanos cuan yo yera choben y traballaba en ó lugar

Yo baxaba de muziecho,  
cón bella carga de palla,  
M'esbarrato ta Sandinies,  
Por que escuchato ra guitarrato  
Duña Mexacha lambrefía,  
Ascape men amorisquí,  
Como yo no teneba perretas,  
Ascape se men fué

En a fuga de ra palla,  
Men puse a cortexar,  
Perregalle men quedé  
Por tenir que traballar.

Cuan tornabanos d'campo,  
Eslomaús de traballar,  
A pulinos bel poqué,  
Y ta ras fiestas a ballotier.

Y a ra matinada siguen,  
O Pay ascape te clamaba,  
Pa que fuises ta ro praú  
A bailar cón a tuya dalla.

#### A ixo de las diez

O dallón ya no men corta,  
Y ro sol en ó tozuelo,  
Os tabanos que me fizan,  
Podeba bier sito Carabinero.

Y pa rematar ista charradeta,  
tos zampo en a zaqa, un bando  
asaber que biello de Panticosa  
y que cuan yo yera crio  
ya lo rechitabanos.

De orden de ro Señor Alcalde, se fa sabier,  
Que a caito un lurte en a Ripera,  
Y que no puen cruzar ni os cans,  
Y ra perra mallatas que s'atribito a pasar,  
Sa clabato bel tarranco de buxo debaxo ra coda,  
Que a dito ro Albétia, que ni cura ni curara.